

Vorarlberger Landesarchiv, Urkunde Nr. 8165
13.1.1469

Ich Hans Stürer zu der Zit von gnädig und Gewaltz wegen des durchlüchtigen hochgeborn Fürsten und Herren Herzog Sigmunds Herzog zu Österich ..?. zu Stir zu Kernten zu Tron *Grane* zu Thyrol unsers aller gnädigosten Fürsten und Herren Amman zu Torenbüren Bekenn öffentlich und tün kundt allermengcklich mit dem Brieff Das ich daselbs zu Torenbüren In dem Dorf zu Gericht bin gesessen uff den Tag und in dem Jahre als dieser Brief geben ist kam allda für mich und offig verbannen Gericht der edel und vest Junkher Michel von Emps mit sinen mit recht gelobten Fürsprechen Hansen Käklin und ließ Im und von allen Herren von Emps wegen fürbringen und offen vor Gericht Wie das Hans Gerer sälig den benanten Herren schuldig wär Nün Pfenig Sant Othmars Zinß und Inen die alle Jar Järcklich geben hett von sin selbs wegen Iren Amptlütten untz an sin end und sid mal er abgestorben wär So nöhm die Erben den Zins nit geben und und bat Si gütlich zuer underrichten *Gidnial* und der benant Hans Gerer den Zinß geben und gericht hett und von sin selber wegen untz an sin end und Inen Amptlütten Hansen Fölky Hannsen Frantzen Und ob nun die Erben nit billich dar stündint und den Zinß hinfür och richtent und gäbint In Maß als er den geben hett. Do antwurt die *Renwit* Els Gererin und Hainimair Ir mit recht ergebner Vogt och Durch Iren mit recht gelobten Fürsprechen Diemen Ranbergen Si reddint denen benanten Herren von Emps nit In Ir Zinß Inen wär aber nit zu wissint das si kain Gut von dem benenten Gerer Die hett er alle Erkoufft und kainß Ererbt darumb si nit wissent Etwan Zinß darvon zu geben weiß si aber underzicht würdint mit Cuten oder mit Brieffen warab der Zinß ging oder ab was Güttern So möchte si mal be .. nigen wan es wärm er Erberen Die von dem benanten Hansen Gerer die Gütter ererbt hettint mit Inen ... si hettint nit mer ererbt Denn das Halbtail Do antwurt aber der benant Junkher Michel durch sinen gelobten Fürsprechen als ob stant Gid mal und der benant Hans Gerer die Nün Pfenig Sant Othmars Zinß ... hett von sin selbs wegen Iren Amptlütten untz an sin end und alle Jar Järklich ob nun Des G ... t billich genug wär und *satzint* Das hin zu Recht Do frägt Ich obgenenter Richter und Amman umb uff ... Do ward nach miner Frang mit Recht erkennt wenn die benanten Amptlüt darstündint und ... aid schwüzint zu Gott und zu den Hailigen Das Inen der benant Hans Gerer Die nün Pfenig Sant Othmars Zinß alle Jar Järlich geben hett untz an sin end und von sin selbs wegen das dann hinfür .. Erben das auch schuldig wärnt und geben sollen Do stündent die obgemelten Amptlüt Hans Fölk Hans Frantz dar und tättent wie Inen mit Recht Erkennt ward Do diß obgeschriben alles alß Ergangen uns als Urtail und Recht brächt Ratt und bergert der obgenant Junkher Michel durch sinen vorgehenden Fürsprechen als ob stat Im des ainen Brieff zu geben von ainem Gericht Der Im och also uff nün *fragen* zu geben erkennt wird under min Insigel Hierumb zuer guten und vesten Urkund So han ich benanter Richter und Amman Hans Stürer min aigen Insigel von Gerichtz wegen nach recht Urtail öch von ains Gerichtz haissentz wegen öffentlich gehenkt an den Brieff mir obgenenten Richter und Amman und minen Erben one Schaden Der geben und ertailt ist uff Fritag näst vor Sant Sebastianus Tag Nach Cristus Gepurt vierzechen Hundert Sechtigen und Im nünden Janre.

Rückseite:

Urtailbrief umb tu VIIIId ...s zu Thorenbieren zuEms von Hans Gerer
Urtheilbrief Michels V: Embß, umb S: Othmars Notzins. 1469. 13. Jänner